

տանգն է եղել: Մի այլ տեղ վարժապետը վազում է հարսների ետևից, կամ երկու գիւղացոց կռուացնում է, որ նորանց համար գանգատի տեղիք տայ և ինքը դատարանին խնդիրք գրի նոցա համար, կամ դատում է Քրիստոսի Աստուածութեան, սուրբ Աուսի յղութեան և անարատութեան վրայ*): Բայց գիւղացին այս ամենին չի կարող գիմանալ. նա իրաւամբ իւր վարժապետից բարոյական բարձր օրինակներ է սպասում: Բայց այդ սպասելիքը չը գտնելով, գանակոծելով դուրս է գցում «Ֆարմասիօն մոլորեցուցին»: Իսկ մեծ ուսումնարաններումը, ուր մի քանի վարժապետներ խմբովին են լինում կռիւր, ինտրիգները անվերջանալի են. շատ տեղ ժողովուրդն է նրանց հաշտեցնում: Ամէն մէկ վարժապետը, տւողական և մեծ ոռճիկ ստանալու համար, աշխատում է ընկերից բարձր լինել, համարումն ունենալ դրա համար էլ նա ամեն կեղտոտ միջոցներ գործ է դնում ոտի տակ տալու ընկերի պատիւը, թէ աշակերտների և թէ ժողովրդի առաջ:

Մենք չենք մեղադրում գիւղական վարժա-

*) Մ ա ն օ թ . Այս ընդհանուր երեւոյթը առանց բացառութիւնների չէ. կան վարժապետներ, որոնք խճմուսնքով են կատարում իւրեանց պարտքը եւ դասատան պաշտօնը: